

- 12.15

SUD BOSNE I HERCEGOVINE

Primitelj (preporučeno) - poštom (obično) - preporučeno

24.03.2008. god. u primjorka sa

Prodato poštom preporučeno na recepta dana

20. godić

Pismeno - K.M. u taksonim markama

BOSNA I HERCEGOVINA

TUŽILAŠTVO - TUŽITELISTVO BOSNE I HERCEGOVINE

SARAJEVO

Primitelj (novac, taksonim marke i sl.)

Poseban odjel za ratne zločine

Regionalni Tim II

Brdi: **KT-RZ-106/06**

Sud BiH / Crk. BiH

Krivično odjeljenje / Apelaciono odjeljenje /

Krivično odjeljenje - Apelaciono odjeljenje

Odjel I / Odjel II / Odjel III / Odjel IV

Odjeljenje za sudsku upravu / Odjeljenje za izvršenje kazni

KR-08/489

16. (1043-1) / (1043-1) / (1043-1)

26-03-2008

Sarajevo, 24.03.2008. godine

Optužnica KT-RZ-106/06

PRIMJEDENA DANA

25.03.2008.

SARAJEVO



- Sudiji za prethodno saslušanje

Na osnovu člana 35. st. 2. tačka h) i čl. 226. st. 1. ZKP BiH, p o d i ž e m:

OPTUŽNICU

Protiv:

KOVAČ ANTE zv. „Žabac“, sin Milke i majke Antunije rođene Vidović, rođen 05.01.1957. godine u Vitezu, gdje je stalno i nastanjen u ul. Kralja Tvrtka br. 202, JMBG 0501957193616, državljanin BiH i Republike Hrvatske, Hrvat, oženjen, otac troje djece, bravar, SSS - Škola učenika u privredi, zaposlen u HPT Vitez, vojsku služio, LD 1.200,00 KM, posjeduje vlastitu kuću i putnički automobil marke „Mercedes“, trenutno se nalazi u pritvoru po Rješenju Suda BiH, broj: X-KRN-08/489 od 01.02.2008. godine i Rješenju Suda BiH o produženju pritvora, broj: X-KRN-08/489 od 28.02.2008. godine, koji traje do 28.03.2008. godine.

Što je:

KRIV ->

Za vrijeme ratnog stanja u Bosni i Hercegovini i oružanog sukoba između Armije RBiH i HVO-a, kršeći odredbe člana 3. i 147. Ženevske konvencije o zaštiti civilnih osoba u vrijeme rata od 12.08.1949. godine, te postupajući suprotno članu 75. stav 1. i 2. i članu 76. stav 1. Dopunskog protokola I i člana 1. i 4. Dopunskog protokola II, uz ženevske konvencije iz 1949. godine o zaštiti žrtava međunarodnih i nemeđunarodnih različitih sukoba, koja zabranjuje nasilje nad životom, zdravljem ili fizičkim ili mentalnim blagostanjem ljudi, te zahtijeva posebne mjere zaštite žena, tako što je:

1. U vremenskom periodu tokom aprila i maja 1993. godine, na području opštine Vitez, kao zapovjednik Brigadne vojne policije „Viteške brigade“ HVO-a naređivao i odobravao njemu podređenim vojnim policajcima i zajedno sa njima vršio nezakonito lišavanje slobode i nezakonito zatvaranje civilnog bošnjačkog stanovništva u prostorije Radničkog univerziteta, Kino sale i u prostorije SDK-a u Vitezu, pa su tako nezakonito lišili slobode i zatvorili [REDACTED]

[REDACTED] i osobe pod pseudonimom „B“ i „D“, kao i više od 250 civilnih lica bošnjačke nacionalnosti, gdje su ih vojni policajci kojima je on bio nadređeni i po njegovoj naredbi i odobrenju držali pod stražom u nehumanim uslovima, koji su mu bili dobro poznati, jer je u prostorijama u ovim objektima bilo smješteno veliki broj osoba koje su spavale na podu i u sjedećem položaju, a dok su bili zatvoreni dobivali su jednom dnevno jedan oskudan obrok, koji se sastojao od jedne četvrtine hljeba i riblje konzerve, a odatle su ih izvodili na ispitivanja u kojima je u nekim slučajevima i on bio prisutan, da bi određeni broj zatvorenih civila vojni policajci u grupama, a uz njegovu naredbu, saglasnost ili odobrenje, kombi vozilom odvodili na prisilan rad na mjestima zv. „Kratine“, „Krčevine“ i „Piriće“, da na opasnim mjestima, gdje su bile linije razgraničenja između jedinica HVO-a i Armije BiH, kopaju rovove i obavljaju druge fizičke poslove, iako je znao da su prilikom kopanja rovova zatvorenici [REDACTED] i

[REDACTED] poginuli obavljajući ove radove, a neka zatvorena lica, vojni policajci su odvodili iz Radničkog univerziteta u druge zatočeničke objekte koji su se nalazili u Šuhovskom klubu i u logoru „Kaonik“ u Busovači.

2. dana 18.04.1993. godine u Vitezu u istom svojstvu kao pod tačkom 1. iz zatočeničkog objekta SDK-a u kome su se nalazila nezakonito zatvorena civilna osoba pod pseudonimom „B“, istu u toku noći izveo iz prostorija SDK-a, naoružan sa puškom i pištoljem, i odveo je u jedan stan koji se nalazio u zgradi zv. „Crnogorka“, u blizini zgrade SDK-a, i dok ju je vodio, psovao joj „balijsku majku“, a kada su ušli u stan, snažno je gurnuo na jedan ležaj, rekavši „sad ćeš vidjeti ko je Žabac“ i naredio joj da se skine, a kada je ona to odbila, prišao je krevetu i udario je rukom u predjelu glave, te upotrebom sile, sa nje skinuo pantalone i donji veš i dok je ona plakala i govorila mu da to ne rudi, nad njom, bez njenog pristanka izvršio seksualni odnos – silovanje, a nakon toga je vratio i zatvorio u prostorije SDK-a.

- 21
3. dana 20. augusta 1993. godine u Vitezu u istom svojstvu kao pod tačkom 1. Optužnice, naredio vojnim policajcima da zaustave i privedu pred Zapovjedništvo vojne policije motorno vozilo „džip“, sa oznakom Međunarodnog komiteta Crvenog krsta, koje se uputilo iz Starog Viteza prema Zenici, a u kome su se nalazile bolesne civilne osobe bošnjačke nacionalnosti osobn pod pseudonimom „A“. [REDACTED] koje su upućene na liječenje u bolnicu u Zenicu, te ih protivzakonito lišio slobode i nezakonito zatvorio u prostorije Rudničkog univerziteta – Doma kulture, gdje je nad njima izvršio pretres su drugim vojnim policajcima i od njih oduzeo i prisvojio sve vrijedne predmete, zlatni nakit, novac, sat i dr., a nakon toga ih ispitivali na okolnosti vojnog stanja u mjestu Mahala, koje je bilo pod kontrolom jedinica Armije BiH, da bi dana 30. augusta 1993. godine, Kovač Anto, dok se osoba pod pseudonimom „A“ nalazila sama u jednoj kancelariji Doma kulture, istoj prijetio govoreći joj da nikada neće vidjeti svoju djecu, ispitujući je gdje se nalazi njen muž i o naoružanju u mjestu Mahala, da bi je tom prilikom udario rukom u predjelu lica, a nakon toga, držeći pištolj u ruci okrenut prema njenim prsima, naredio joj da se skine, a kada je ona to odbila i molila ga da to ne čini, snažno je gurnuo na krevet, čupajući sa nje odjeću, te bez njenog pristanka nad njom izvršio seksualni odnos – silovanje, a nakon toga joj je zaprijetio da će je ubiti ako nekome bude govorila da ju je silovao.

dakle, kršeći pravila Međunarodnog prava za vrijeme rata i oružanog sukoba, nečovječno postupao i učinio protivzakonita zatvaranja i odvođenja u koncentracione logore, prisiljavanje druge osobe upotrebom sile i prijetnje na seksualni odnos – silovanje, prisiljavanje na prinudan rad i pljačku imovine,

čime bi počinio krivično djelo Ratni zločin protiv civilnog stanovništva iz člana 173. stav 1. tačka c) e) i f) u vezi sa članom 180. stav 1. KZ BiH.

Zbog toga

P R E D L A Ž E M
DA SE NA GLAVNOM PRETRESU IZVEDU KAO DOKAZI:

I - saslušaju u svojstvu svjedoka:

1. [REDACTED]
2. [REDACTED]
3. [REDACTED]
4. [REDACTED]
5. [REDACTED]

6.

7.

8.

9.

10.

11.

12.

13.

14.

15. zaštićeni svjedok pod pseudonimom „B“.

16. zaštićeni svjedok pod pseudonimom „C“.

17. zaštićeni svjedok pod pseudonimom „D“.

18.

19.

20.

21.

22.

23.

II – izvrši uvid u:

1. Odluku o proglašenju ratnog stanja na teritoriju R BiH i Naredba o proglašenju opšte javne mobilizacije na teritoriji R BiH od 20. juna 1992. godine („Službeni list R BiH“ od 20. juna 1992. godine).
2. Borbena zapovijed – Naredba Hrvatske zajednice Herceg-Bosna – HVO – Zapovjedništvo OZ SB – IZM Vitez od 16.04.1993. godine.
3. Akt Hrvatske zajednice Herceg-Bosna – HVO – Zapovjedništvo OZ Srednja Bosna IZM – Vitez, broj: 01-4-259/93 od 16.04.1993. godine.
4. Izvješće Hrvatske zajednice Herceg-Bosna – HVO – Zapovjedništvo „Viteške brigade“, broj: 02-125-13/93 od 16.04.1993. godine.
5. Zapovijed Hrvatske zajednice Herceg-Bosna – HVO – Zapovjedništvo OZ Srednja Bosna IZM – Vitez, broj: 01-4-280/93 od 16.04.1993. godine.
6. Zapovijed Hrvatske zajednice Herceg-Bosna – HVO – Zapovjedništvo OZ Srednja Bosna IZM – Vitez, broj: 01-4-319/93 od 17.04.1993. godine.

7. Upute HVO – Uprava vojne policije o načinu postupanja vojne policije u uvjetima važenja Uredbe o primjeni ZKP-a u slučaju ratnog stanja ili neposredne ugroženosti Hrvatske zajednice Herceg-Bosna.
8. Uputstvo za rad postrojbi vojne policije HVO – Hrvatske zajednice Herceg-Bosna. broj: 02-413-01-1688/92 od 30.11.1992. godine.
9. Spisak djelatnika i vojnih policajaca IV bojne vojne policije Vitez – sa područja općine Vitez - Hrvatske zajednice Herceg-Bosna – HVO – IV Bojna vojne policije Vitez. broj: 02-413-07-542/93 od 27. marta 1993. godine.
10. Obavijest zapovjednika Brigadne policije - Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija. broj: 13-943-1/93 od 23.08.1993. godine.
11. Zapisnik zapovjednika Vojne policije - Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija od 23.08.1993. godine.
12. Bilten dnevnih događanja Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija. na dan 23/24.08.1993. godine.
13. Trebovanje hrane Hrvatske zajednice Herceg-Bosna – HVO – Zapovjedništvo „Viteške brigade“. broj: 01-163-1/93 od 23.04.1993. godine.
14. Zapovijed Hrvatske zajednice Herceg-Bosna – HVO – Zapovjedništvo „Viteške brigade“. broj: 01-222/93 od 01.05.1993. godine.
15. Spisak 13 vodećih Muslimana koji su uhapšeni u Vitezu od 15.05.1993. godine.
16. Zapovijed Hrvatske zajednice Herceg-Bosna – HVO – Zapovjedništvo „Viteške brigade“. broj: 01-415-1/93 od 01.06.1993. godine.
17. Spisak bezbjednosno interesantnih lica Štaba odbrane – opštine Vitez – Službe za suzbijanje kriminala. broj: Str. pov. 02/2-230-175/93 od 02.06.1993. godine.
18. Akt Hrvatske zajednice Herceg-Bosna – HVO – Zapovjedništvo „Viteške brigade“. broj: 01-554-1/93 od 25.06.1993. godine.
19. Izvod iz matične knjige umrlih - Općine Vitez. broj: 02-13-03-539/07 od 05.12.2007. godine za [REDACTED]
20. Izvod iz matične knjige umrlih - Općine Vitez. broj: 02-13-03-542/07 od 05.12.2007. godine za [REDACTED]
21. Izvod iz matične knjige umrlih - Općine Vitez. broj: 02-13-03-541/07 od 05.12.2007. godine za [REDACTED]
22. Izvod iz matične knjige umrlih - Općine Vitez. broj: 02-13-03-540/07 od 05.12.2007. godine za [REDACTED]
23. Dopis U.G. „Medica“ Zenica. broj: 01-0275-2006 od 30.03.2006. godine sa psihološkim nalazom za zaštićenog svjedoka pod pseudonimom „A“. ginekološkim kartonom i zabilješki o prvom

kontaktu [REDACTED] sa zaštićenim svjedokom pod pseudonimom „A“.

24. Pisмени Nalaz – Timsko sudsko psihijatrijsko vještačenje prof. dr. [REDACTED] neuropsihijatra od 30.10.2007. godine.

REZULTATI ISTRAGE

Na osnovu prikupljenih dokaza koje je tokom istrage pribavilo ovo Tužilaštvo, na nedvojben način proizilazi da je osumnjičeni Kovač Anto, u vrijeme i na način kako je to opisano u dispozitivu Optužnice pod tačkom 1., 2. i 3 počinio krivično-pravne radnje iz kojih radnji proizilaze sva bitna obilježja krivičnog djela Ratni zločin protiv civilnog stanovništva iz člana 173. stav 1. tačka c), e) i f) u vezi sa članom 180. stav 1. KZ BiH.

Predsjedništvo Republike Bosne i Hercegovine je na osnovu člana 8. Uredbe sa zakonskom snagom o odbrani („Službeni list RBiH“, broj 4/92), a na prijedlog Glavnog štaba oružanih snaga Republike Bosne i Hercegovine, na Sjednici održanoj 20.06.1992. godine donijelo Odluku o proglašenju ratnog stanja kojom odlukom je na teritoriju Republike Bosne i Hercegovine proglašeno ratno stanje. Odluka o proglašenju ratnog stanja je objavljena u „Službenom listu RBiH“, broj 7/92 i stupila je na snagu danom objavljivanja.

U kritičnom periodu, na području opštine Vitez, postojao je oružani sukob između Hrvatskog vijeća odbrane, s jedne i Armije Republike Bosne i Hercegovine, s druge strane, što proizilazi iz dokaza koje ovo Tužilaštvo prikupilo u toku istrage. Iz prikupljenih materijalnih dokaza kao i iz iskaza svjedoka koji su saslušani u Tužilaštvu Bosne i Hercegovine, proizilazi da je oružani sukob na području opštine Vitez počeo upravo 16.04.1993. godine na način što su jedinice HVO napale mjesta koja su bila naseljena muslimanskim stanovništvom na toj opštini, a civilno muslimansko stanovništvo iz grada Viteza i okolnih mjesta nezakonito lišile slobode kod njihovih kuća i nezakonito zatvorile u objekte pod kontrolom HVO-a. Pet predloženih materijalnih dokaza HVO-a i to: Zapovjedništva Operativne zone Srednja Bosna i Zapovjedništva „Viteške brigade“ od 16.04.1993. godine i 17.04.1993. godine, potvrđuje postojanje oružanog sukoba na navedenom području. U ovim dokumentima HVO-a se pod neprijateljima navode pripadnici „ekstremnih muslimanskih snaga“ i iz njih jasno proizilazi da se pod neprijateljem smatra Armija BiH i muslimansko stanovništvo. Da je oružani sukob i postojao i otpočeo na navedeni način potvrđuju svi saslušani svjedoci Tužilaštva BiH, kao i presude Međunarodnog krivičnog suda za bivšu Jugoslaviju u predmetima „Tužilac protiv Tihomira Blaškića“ i „Tužilac protiv Daria Kordića i Maria Čerkeza“. U navedenim presudama MKSJ-a je navedeno da prezentovani dokazi jasno ukazuju na organizovani napad HVO na

tim područjima tj., Vitez, Stari Vitez, Večerisku, Ahmiće, Nadioke, Piriće i Santiće i na zarvaranje civilnog muslimanskog stanovništva u zatočeničke objekte Kino dvorane, Šahovski klub, prostorije SDK-a i logor „Kaonik“ i nečovječno postupanje prema njima.

Nadalje, paragrafom 54. pravomoćne presude MKSJ u Hagu u predmetu „Jelisić“ broj IT-95/10 utvrđeno je, između ostalog, da poimanje civilnog stanovništva ima za cilj da se naglasak stavi više na kolektivni aspekt krivičnog djela nego na status žrtve, odnosno da se pod pojmom civilnog stanovništva moraju obuhvatiti čak i sva lica koje nose ili su nosile oružje, ali koje nisu, striktno govoreći bile uključene u vojne aktivnosti. Pretresno vijeće MKSJ je u navedenom predmetu zaključilo da pojam civila u strogom smislu, obuhvata i sva ona lica koja su bila van borbenog stroja kada je krivično djelo počinjeno.

Iz iskaza svih saslušanih svjedoka-žrtava predmetnog krivičnog djela nedvojbeno proizilazi da se radilo o civilnim licima koja su nezakonito lišena slobode kod svojih kuća - stanova, sami ili zajedno sa članovima svojih porodica, ili na putu prema bolnici i da nisu bila uključena u vojne aktivnosti. Zastigurno je da su sve ove žrtve bile lica van borbenog stroja u vrijeme kada je krivično djelo počinjeno.

Osnovana sumnja da je osumnjičeni Kovač Anto počinio djelo opisano u tački 1. Optužnice proizilazi iz iskaza svjedoka:

[REDACTED] te prikupljenih materijalnih dokaza i to: Borbene zapovijedi – Naredbe Hrvatske zajednice Herceg-Bosna – HVO – Zapovjedništva OZ SB – IZM Vitez od 16.04.1993. godine, Izvješća Hrvatske zajednice Herceg-Bosna – HVO – Zapovjedništva „Viteške brigade“, broj: 02-125-13/93 od 16.04.1993. godine, Trebovanja hrane Hrvatske zajednice Herceg-Bosna – HVO – Zapovjedništva „Viteške brigade“, broj: 01-163-1/93 od 23.04.1993. godine, Zapovijedi Hrvatske zajednice Herceg-Bosna – HVO – Zapovjedništva „Viteške brigade“, broj: 01-222/93 od 01.05.1993. godine i Izvoda iz matične knjige umrlih za [REDACTED]

Da je osumnjičeni počinio krivično-pravne radnje opisane u tački 2. dispozitiva Optužnice proizilazi iz iskaza svjedoka „B“, „C“, „D“, [REDACTED] dok osnovana sumnja da je počinio djelo opisano u tački 3. Optužnice proizilazi iz iskaza svjedoka „A“, [REDACTED] te prikupljenih objektivnih dokaza i to: Obavijesti zapovjednika Brigadne policije - Hrvatske zajednice Herceg-Bosna – HVO – Zapovjedništva „Viteške brigade“ – Brigadna policija, broj: 13-943-1/93 od 23.08.1993. godine, Zapisnika zapovjednika Vojne policije - Hrvatske zajednice

Herceg-Bosna – HVO – Zapovjedništvo „Viteške brigade“ – Brigadna policija od 23.08.1993. godine, Biltena dnevnih događanja Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija, na dan 23/24.08.1993. godine, Dopis U.G. „Medica“ Zenica, broj: 01-0275-2006 od 30.03.2006. godine sa psihološkim nalazom za zaštićenog svjedoka pod pseudonimom „A“, ginekološkim kartonom i zabilješki o prvom kontaktu dr. [REDAKTIRANO] sa zaštićenim svjedokom pod pseudonimom „A“ i Pismenog Nalaza – Timsko sudsko psihijatrijsko vještačenje prof. dr. [REDAKTIRANO] neuropsihijatra od 30.10.2007. godine.

Na osnovu dokaza pribavljenih u toku istrage, utvrđeno je da je osumnjičeni u vrijeme izvršenja krivičnog djela koje mu se stavlja na teret bio Zapovjednik Brigadne vojne policije „Viteške brigade“ HVO-a. To prije svega proizilazi iz Zapovijedi Hrvatske zajednice Herceg-Bosna – HVO – Zapovjedništvo „Viteške brigade“ broj: 01-222/93 od 01.05.1993. godine, Akta Hrvatske zajednice Herceg-Bosna – HVO – Zapovjedništvo „Viteške brigade“ broj: 01-554-1/93 od 25.06.1993. godine, Obavijesti zapovjednika Brigadne policije - Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija, broj: 13-943-1/93 od 23.08.1993. godine, Zapisnika zapovjednika Vojne policije - Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija od 23.08.1993. godine, Biltena dnevnih događanja Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija, na dan 23/24.08.1993. godine, kao i iskaza sasušanih svjedoka.

Osumnjičeni Kovač Anto je u toku istrage a na okolnosti djela koje mu se stavlja na teret ispitan u dva navrata i oba puta je nakon konsultacija sa svojim braniocem iskoristio svoje zakonom propisano pravo da se brani šutnjom.

MATERIJALI KOJI POTKREPLJUJU NAVODE OPTUŽNICE

1. Zapisnik o ispitivanju osumnjičenog Kovač Ante broj: KT-RZ 106/06 od 31.01.2008. godine i 04.03.2008. godine.
2. Zapisnik o saslušanju svjedoka [REDAKTIRANO] broj: KT-RZ-106/06 od 10.07.2006. godine.
3. Zapisnik o saslušanju svjedoka [REDAKTIRANO] broj: KT-RZ-106/06 od 11.07.2006. godine.
4. Zapisnik o saslušanju svjedoka [REDAKTIRANO] broj: KT-RZ-106/06 od 16.10.2007. godine.
5. Zapisnik o saslušanju svjedoka [REDAKTIRANO] broj: KT-RZ-106/06 od 16.10.2007. godine.

6. Zapisnik o saslušanju svjedoka [redacted] RZ-106/06 od 17.10.2007. godine.
7. Zapisnik o saslušanju svjedoka [redacted] broj: KT-RZ-106/06 od 18.10.2007. godine.
8. Zapisnik o saslušanju svjedoka [redacted] KT-RZ-106/06 od 23.10.2007. godine.
9. Zapisnik o saslušanju svjedoka [redacted] broj: KT-RZ-106/06 od 05.02.2008. godine.
10. Zapisnik o saslušanju svjedoka [redacted] broj: KT-RZ-106/06 od 07.02.2008. godine.
11. Zapisnik o saslušanju svjedoka [redacted] broj: KT-RZ-106/06 od 13.02.2008. godine.
12. Zapisnik o saslušanju svjedoka [redacted] broj: KT-RZ-106/06 od 14.02.2008. godine.
13. Zapisnik o saslušanju svjedoka [redacted] broj: KT-RZ-106/06 od 14.02.2008. godine.
14. Zapisnik o saslušanju svjedoka [redacted] broj: KT-RZ-106/06 od 27.02.2008. godine.
15. Zapisnik o saslušanju svjedoka [redacted] broj: KT-RZ-106/06 od 04.03.2008. godine.
16. Zapisnik o saslušanju zaštićenog svjedoka pod pseudonimom „B“. broj: KT-RZ-106/06 od 15.02.2008. godine.
17. Zapisnik o saslušanju zaštićenog svjedoka pod pseudonimom „C“. Državne agencije za istrage i zaštitu BiH, broj: 17-04/2-04/2-149/08 od 05.02.2008. godine.
18. Zapisnik o saslušanju zaštićenog svjedoka pod pseudonimom „D“. broj: KT-RZ-106/06 od 20.02.2008. godine.
19. Zapisnik o saslušanju svjedoka [redacted] broj: KT-RZ-106/06 od 19.02.2008. godine.
20. Zapisnik o saslušanju svjedoka [redacted] broj: KT-RZ-106/06 od 05.03.2008. godine.
21. Zapisnik o saslušanju zaštićenog svjedoka pod pseudonimom „A“. broj: KT-RZ-106/06 od 10.07.2006. godine.
22. Zapisnik o saslušanju svjedoka [redacted] broj: KT-RZ-106/06 od 10.07.2006. godine.
23. Zapisnik o saslušanju svjedoka [redacted] broj: KT-RZ-106/06 od 17.10.2007. godine.
24. Odluka o proglašenju ratnog stanja na teritoriju R BiH od 20. juna 1992. godine („Službeni list R BiH“ od 20. juna 1992. godine).
25. Borbena zapovijed – Naredba Hrvatske zajednice Herceg-Bosna – HVO – Zapovjedništvo OZ SB – IZM Vitez od 16.04.1993. godine.
26. Akt Hrvatske zajednice Herceg-Bosna – HVO – Zapovjedništvo OZ Srednja Bosna IZM – Vitez, broj: 01-4-259/93 od 16.04.1993. godine.

27. Izvješće Hrvatske zajednice Herceg-Bosna – HVO – Zapovjedništvo „Viteške brigade“, broj: 02-125-13/93 od 16.04.1993. godine.
28. Zapovijed Hrvatske zajednice Herceg-Bosna – HVO – Zapovjedništvo OZ Srednja Bosna IZM – Vitez, broj: 01-4-280/93 od 16.04.1993. godine.
29. Zapovijed Hrvatske zajednice Herceg-Bosna – HVO – Zapovjedništvo OZ Srednja Bosna IZM – Vitez, broj: 01-4-319/93 od 17.04.1993. godine.
30. Upute HVO – Uprava vojne policije o načinu postupanja vojne policije u uvjetima važenja Uredbe o primjeni ZKP-a u slučaju ratnog stanja ili neposredne ugroženosti Hrvatske zajednice Herceg-Bosna.
31. Uputstvo za rad postrojbi vojne policije HVO – Hrvatske zajednice Herceg-Bosna, broj: 02-413-01-1688/92 od 30.11.1992. godine.
32. Spisak djelatnika i vojnih policajaca IV bojne vojne policije Vitez – sa područja općine Vitez - Hrvatske zajednice Herceg-Bosna – HVO – IV Bajna vojne policije Vitez, broj: 02-4/3-07-542/93 od 27. marta 1993. godine.
33. Obnavijest zapovjednika Brigadne policije - Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija, broj: 13-943-1/93 od 23.08.1993. godine.
34. Zapisnik zapovjednika Vojne policije - Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija od 23.08.1993. godine.
35. Bilten dnevnih događanja Hrvatske zajednice Herceg-Bosna – HVO – Zapovjedništvo „Viteške brigade“ – Brigadna policija, na dan 23/24.08.1993. godine.
36. Trebovanje hrane Hrvatske zajednice Herceg-Bosna – HVO – Zapovjedništvo „Viteške brigade“, broj: 01-163-1/93 od 23.04.1993. godine.
37. Zapovijed Hrvatske zajednice Herceg-Bosna – HVO – Zapovjedništvo „Viteške brigade“, broj: 01-222/93 od 01.05.1993. godine.
38. Spisak 13 vodećih Muslimana koji su uhapšeni u Vitezu od 15.05.1993. godine.
39. Zapovijed Hrvatske zajednice Herceg-Bosna – HVO – Zapovjedništvo „Viteške brigade“, broj: 01-415-1/93 od 01.06.1993. godine.
40. Spisak bezbjednosno interesantnih lica Štaba odbrane – opštine Vitez – Službe za suzbijanje kriminala, broj: Str. pov. 02/2-230-175/93 od 02.06.1993. godine.
41. Akt Hrvatske zajednice Herceg-Bosna – HVO – Zapovjedništvo „Viteške brigade“, broj: 01-554-1/93 od 25.06.1993. godine.
42. Izvod iz matične knjige umrlih - Općine Vitez, broj: 02-13-03-539/07 od 05.12.2007. godine za [REDACTED]

43. Izvod iz matične knjige umrlih - Općine Vitez, 02-13-03-542/07 od 05.12.2007. godine za [REDACTED]
44. Izvod iz matične knjige umrlih - Općine Vitez, 02-13-03-541/07 od 05.12.2007. godine za [REDACTED]
45. Izvod iz matične knjige umrlih - Općine Vitez, 02-13-03-540/07 od 05.12.2007. godine za [REDACTED]
46. Dopis U.G. „Medica“ Zenica, broj: 01-0275-2006 od 30.03.2006. godine sa psihološkim nalazom za zaštićenog svjedoka pod pseudonimom „A“, ginekološkim kartonom i zabilješkom o prvom kontaktu dr. [REDACTED] sa zaštićenim svjedokom pod pseudonimom „A“.
47. Pismeni Nalaz – Timsko sudsko psihijatrijsko vještačenje prof. dr. [REDACTED] neuropsihijatra od 30.10.2007. godine.

Nakon analize prikupljenih dokaza, tokom istrage, kako pojedinačno i u njihovoj vezi, smatramo da postoji dovoljno dokaza iz kojih proizilazi osnovana sumnja da je osumnjičeni Kovač Anto počinio krivično djelo Ratni zločin protiv civilnog stanovništva iz člana 173. stav 1. tačka c), e) i f) u vezi sa članom 180. stav 1. KZ-a BiH, pa predlažemo da Sudija za prethodno saslušanje Suda BiH, Optužnicu potvrdi i prosljedi je na dalji postupak.

PRIJEDLOG ZA PRODUŽENJE PRITVORA

Na osnovu člana 227. stav 3. a u vezi sa članom 137. ZKP-a BiH, predlažem da Sud, ukoliko potvrdi ovu Optužnicu, produži pritvor optuženom Kovač Anto, zbog postojanja posebnih pritvorskih razloga iz tačke a) i b) člana 132. stav 1. ZKP-a BiH, jer smatramo da i dalje postoje svi razlozi za pritvor koji su postojali i u vrijeme donošenja rješenja o određivanju pritvora i produženju pritvora u toku istrage.

Naime, iz dokaza koji se već nalaze u sudskom spisu proizilazi da i dalje postoje okolnosti koje ukazuju na opasnost od bjekstva optuženog obzirom da je optuženi Kovač Anto prilikom ispitivanja od strane tužioca, kao i prilikom ispitivanja od strane Sudije za prethodni postupak na ročištu za razmatranje prijedloga za određivanje pritvora, izjavio da posjeduje državljanstvo Bosne i Hercegovine i Republike Hrvatske, te da posjeduje pasoš Republike Hrvatske. Imajući u vidu da je Republika Hrvatska u skladu sa članom 9. Ustava Republike Hrvatske, a koristeći se ovlastima iz odredbe člana 26. Evropske konvencije o izručenju, stavila rezervu na izručenje svojih državljana odnosno da neće dozvoliti izručenje niti tranzit svojih državljana, jasno je da bi optuženi u slučaju da se nađe na slobodi mogao postati nedostupan organima gonjenja Bosne i Hercegovine. Ovo još više kada se uzme u obzir činjenica da se optuženom stavlja

na teret da je počinio krivično djelo za koje je propisana kazna dugotrajnog zatvora i da je postao svjestan težine krivičnog djela koje mu se stavlja na teret i mogućim posljedicama, što uveliko povećava motiv za bjekstvo i skrivanje. Imajući u vidu da je Kovač Anto dugogodišnji sportski radnik koji je kroz svoj rad upoznao i imao specifičan uticaj na velik broj ljudi u Bosni i Hercegovini i šire, a taj uticaj može imati efekta i danas, a što nedvojbeno slijedi iz izjava svjedoka, smatramo da mu bijeg iz Bosne i Hercegovine uopšte ne bi predstavljao problem. Smatram da navedene okolnosti i dalje predstavljaju razloge za produženje pritvora u skladu sa članom 132. stav 1. tačka a) ZKP BiH.

U predmetnoj Optužnici Tužilaštvo Bosne i Hercegovine je predložilo da se pred Sudom Bosne i Hercegovine, na glavnom pretresu ispitaju svjedoci saslušani u toku istrage, među kojima i preživjele žrtve počinjenog krivičnog djela. Svi ti, u optužnici predloženi svjedoci, svoje iskaze pred Sudom Bosne i Hercegovine, trebaju dati bez pritiska i straha od eventualnih posljedica koje mogu nastati usljed davanja istih. Većina predloženih svjedoka i danas žive u mjestu izvršenja krivičnog djela ili okolnim mjestima i identitet tih svjedoka je optuženom dobro poznat. Kao što se vidi iz činjeničnog opisa djela koja sa optuženom stavlja na teret, mjesto izvršenja tih djela je upravo grad Vitez, tj., malo mjesto u kome optuženi sa svojom porodicom živi i u kome je optuženi, imajući u vidu posao s kojim se bavi, zasigurno vrlo uticajna osoba. Takođe, kao što se vidi iz dokazu koji se nalaze u sudskom spisu većina svjedoka ili članova njihovih porodica se nakon završetka rata takođe vratila u Vitez, te bi u slučaju eventualnog puštanja na slobodu, a svjestan težine djela koje mu se stavlja na teret i dokazu koje je Tužilaštvo BiH pribavilo u dosadašnjem toku istrage, optuženi sasvim sigurno izvršio utjecaj na svjedoke Tužilaštva, a sve u cilju izbjegavanja ili umanjivanja krivične odgovornosti. Ovu tvrdnju potvrđuje i ponašanje optuženog nakon izvršenja djela koje mu se stavlja na teret koje ponašanje jasno ukazuje na činjenicu da je optuženi spreman i hoće uticati na svjedoke. Iz iskaza svjedoka „A“ se vidi da je optuženi i nakon izvršenja djela nastavio vrlo drsko provocirati tog svjedoka prilikom njihovog susreta, što izaziva veliki strah kod svjedoka. Ovaj svjedok je preživio velike traume, koje osjeća i danas, i posljedice izvršenja djela i danas potresaju ne samo svjedoka već i članove njegove porodice. Dodatnu potvrdu svega navedenog daje i činjenica da je optuženi već boravio u kaficu koji je vlasništvo jednog svjedoka Tužilaštva, što ukazuje na opravdanu sumnju da je sa svjedokom i razgovarao o ovom predmetu. Ovdje moramo naglasiti da je u pogledu straha, posljedica i traumatizacije zbog izvršenog predmetnog krivičnog djela situacija i u odnosu na svjedoke „B“ i „D“ identična sa situacijom u kojoj se nalazi svjedok „A“ što jasno proizilazi iz iskaza ovih svjedoka. Takođe smatramo da posebno treba imati i u vidu činjenicu da je svjedok „B“ u vrijeme izvršenja djela bio maloljetan.

Zbog svega navedenog mišljenja sino da bi puštanjem optuženog na slobodu zasigurno bio izvršen utjecaj na svjedoke što bi neizostavno povećalo već prisutni i ozbiljan osjećaj straha kod svih preživjelih svjedoka, koji taj strah evidentno osjećaju i danas, čime bi se ugrozilo daljnje vođenje ovog krivičnog postupka, te zato smatramo da su i dalje ispunjeni razlozi za produženje pritvora propisani tačkom b) stava 1. člana 132. ZKP BiH.

Na osnovu svega iznesenog, smatram da su ispunjeni razlozi za produženje pritvora protiv optuženog Kovač Ante, propisani odredbom člana 132. stav 1. tačke a) i b) Zakona o krivičnom postupku BiH, zbog čega predlažem da Sudija za predhodno saslušanje - Odsjeka I za ratne zločine Krivičnog odjela Suda BiH, prihvati Prijedlog Tužilaštva BiH za produženje pritvora i da prema optuženom produži pritvor.

